



## O'ZBEKISTON RESPUBLIKASI TOSHKENT VILOYATI NURAFSHON SHAHAR HOKIMINING FARMOYISHI

Nurafshon sh., Toshkent yo'li ko'chasi, 55a uy

2022 - yil 11 - avgust

183-10-213-F/22

Nurafshon shahar hokimligi

### **“Yoshlar daftari” jamg'armasidan mablag' ajratish to'g'risida**

O'zbekiston Respublikasi Vazirlar Mahkamasining 2022-yil 7-iyundagi “Yoshlar muammolarini o'rganish va hal etish tizimini yanada takomillashtirish chora-tadbirlari to'g'risida”gi 312-sonli va Toshkent viloyat hokimining 2022-yil 20-iyundagi 379-10-0-Q/22-sonli qarorlari hamda “Yoshlar daftari”ga kiritilgan yoshlarni qo'llab-quvvatlash jamg'armasi Nurafshon shahar Vasiylik Kengashining 2022-yil 8-avgustdagi 10-sonli yig'ilish bayonining ijrosini ta'minlash maqsadida:

1. “Yoshlar daftari”ga kiritilgan yoshlarni qo'llab-quvvatlash jamg'armasi Nurafshon shahar Vasiylik Kengashining 2022-yil 8-avgustdagi 10-sonli yig'ilish bayoni ijro uchun qabul qilinsin.

2. “Yoshlar daftari” jamg'armasida (3050228604274013332107018) shakllangan mablag'lar hisobidan “Yoshlar daftari”ga kiritilgan yoshlarni har tomonlama qo'llab-quvvatlash maqsadida:

- “Yoshlar daftari”ga kiritilgan moddiy ahvoli og'ir yoshlarga bazaviy hisoblash miqdorining 4 baravarigacha bir martalik moddiy yordam puli berish uchun 1-ilovaga muvofiq 2 400 000 (ikki million to'rt yuz ming) so'm;

- “Yoshlar daftari”ga kiritilgan yoshlarga tadbirkorlik faoliyatini boshlash va o'zini-o'zi band qilishga zarur bo'lgan asbob-uskunalar va mehnat qurollarini xarid qilish uchun 2-ilovaga muvofiq 179 000 000 (bir yuz yetmish to'qqiz million) so'm;

- O'zbekiston Respublikasi Vazirlar Mahkamasining 2022-yil 7-iyundagi “Yoshlar muammolarini o'rganish va hal etish tizimini yanada takomillashtirish chora-tadbirlari to'g'risida”gi 312-sonli qarori bilan tasdiqlangan Nizomga hamda “Oila va xotin-qizlar bo'limi”ning 2022-yil 8-avgustdagi xatiga asosan “Temir daftar” va “Ayollar daftari”ga kiritilgan oilalarning farzandlariga bir kalendar yilida bir marotaba maktab formasini xarid qilish uchun 3-ilovaga muvofiq 200 200 000 (ikki yuz million ikki yuz ming) so'm jami 381 600 000 (uch yuz sakson bir million olti yuz ming) so'm mablag' shahar hokimligiga

(305022860274017109601018001) yo'naltirilsin.

3. Yoshlar ishlari Agentligi Nurafshon shahar bo'limi (B.Abduqodirov – Vasiylik Kengashi kotibi), Vasiylik Kengashi a'zolari, Oila va xotin-qizlar bo'limi, Xalq ta'limi bo'limi va Mahalla fuqarolar yig'inlari bilan birgalikda hujjatlarni belgilangan tartibda rasmiylashtirishini ta'minlasin.

4. Shahar Moliya bo'limi (M.Miryusupov) jamg'armaning xarajatlar smetasiga belgilangan tartibda o'zgartirishlar kiritishni, shahar g'aznachilik bo'linmasi (L.Baxodirov) va shahar hokimligi bosh hisobchisi (I.Sobirova) ajratilgan mablag'larni belgilangan tartibda o'tkazilishini ta'minlasin;

- qonunchilikda boshqa holatlar ko'zda tutilmagan hollarda "Temir daftar" va "Ayollar daftari"ga kiritilgan oilalarning farzandlariga bir kalendar yilida bir marotaba maktab formasini xarid qilinish bilan bog'liq xarajatlar uchun mablag'lar "Temir daftar" va "Ayollar daftari"ga kiritilgan fuqarolarning bank plastik kartochkalariga o'tkazib berish tavsiya etilsin.

5. Yoshlar ishlari agentligi Nurafshon shahar bo'limi (B.Abduqodirov) ajratilgan mablag'lar hisobiga yoshlar daftariga kiritilgan fuqarolarga ko'rsatilgan yordamlar hamda "Temir daftar" va "Ayollar daftari"ga kiritilgan oilalarning farzandlariga bir kalendar yilida bir marotaba maktab formasini xarid qilinishi bilan bog'liq tadbirlar yuzasidan xalq deputatlari Nurafshon shahar Kengashiga axborot kiritsin.

6. Shahardagi mas'ul sektor kotiblari, mahalla fuqarolari yig'ini raislari, mahalladagi hokim yordamchilari hamda Yoshlar ishlari agentligi shahar bo'limi "Yoshlar daftari"ga kiritilgan yoshlarga berilgan o'zini-o'zi band qilishga zarur bo'lgan asbob-uskunalar va mehnat qurollarini yetkazib berishni hamda samarali foydalanishini nazoratga olsinlar.

7. Mazkur farmoyishning ijrosini nazorat qilish shahar hokimining o'rinbosari N.Kulbekova va K.Pardabaevalar zimmasiga yuklansin.

**Shahar hokimi**



**M.Saliyev**